



Láithreoir CÚLA4

Conradh Trí Bliana

Fáilteoidh TG4 roimh iarratais ar an bpost Láithreoir ar Chainéal Cúla4. Beidh ról lárnach ag an té a cheapfar ag cur sceideal Cúla4 i láthair an phobail féachana, ar an teilifís, ar líne agus ar na meáin shóisialta. Beidh an té a cheapfar lonnaithe i gCeannáras TG4 i nGaeltacht na Gaillimhe agus freagrach do Bhainisteoir Cúla4.

Tá duine cumasach a bhfuil teacht i láthair nádúrtha aige ag teastáil chun ábhar clár agus míreanna Leanúnachais Cúla4 a chur i láthair agus chun freastal ar ardáin shóisialta Cúla4.

Is fostóir comhionannais deiseanna é TG4 agus déantar iarratais incháilithe a mheas gan beann ar inscne, gnéaschlaonadh, aois, taithí shóisialta, cine agus eitneacht, éagumas, stádas sibhialta an teaghlaigh, creideamh ná ballraíocht den Lucht Siúil. Tá dearcadh dearfach ag TG4 i leith na hÉagsúlachta. Fáilteoidh muid roimh iarratais ó dhaoine a bhfuil cúlraí éagsúla acu.

Cúraimí

Beidh an té a cheapfar ag ina Ambasadóir Branda agus ina Láithreoir Leanúnachais do Chainéal Cúla4.

I measc na gcúraimí a bheidh i gceist, gan bheith teoranta dóibh, beidh;

- Cur le branda Cúla4 trí ghlór agus aitheantas a thabhairt don chainéal, ar an aer, ar líne agus i measc an phobail.
- Ábhar agus Leanúnachas a chur i láthair do Chainéal Cúla4.
- Cumarsáid a dhéanamh leis an lucht féachana ar Ardáin Shóisialta Cúla4.
- Cumarsáid a dhéanamh leis an Lucht Féachana trí ghuthú, na Meáin Shóisialta & srl.
- An lucht féachana a threorú chuig ábhar Cúla4.
- Ionadaíocht a dhéanamh do TG4 ag ócáidí pobail agus poiblí.
- Aon fhreagrachtaí eile arna sannadh agus arna meas ag an mbainisteoir/stiúrthóir na rannóige bunaithe ar riachtanais an ghnó.

Tabhair ar aird: Is treoir atá sa sainchuntas poist seo maidir le réimsí éagsúla freagrachta agus cuntasachta agus níor cheart breathnú air mar liosta cuimsitheach. D'fhéadfadh an sainchuntas poist a bheith faoi réir athbhreithnithe i bhfianaise struchtúir nua agus/nó athrú a bheith ag teacht ar riachtanais TG4.

Bíonn tionscal na teilifíse ag síorathrú. Glacann TG4 go fonnmhar leis na hathruithe seo agus athróidh an comhlacht agus dualgais na foirne dá réir.

Nithe atá riachtanach don phost seo:

- Tá cumas láithreoireachta, urlabhra shoiléir agus ardchumas scríbhneoireachta agus cumarsáide riachtanach don phost seo.
- Is í an Ghaeilge teanga oibre TG4 agus mar sin tá sé riachtanach go mbeadh Gaeilge den scoth ag an té a cheapfar, idir labhairt agus scríobh na teanga.
- Tuiscint agus taithí ar bheith ag obair le daoine óga
- Fócas dearfach agus cumas maith foirne
- Sárthuiscint ar an gcaoi a n-úsáidtear na meáin shóisialta agus na hardáin dhigiteacha chun lucht féachana a aimsiú.
- Taithí ar ábhar físe / fuaime a chruthú do na hardáin shóisialta
- Tuiscint ar an bpobal féachana atá ag Cúla4
- Taithí mhaith ar chúrsaí riaracháin agus ríomhaireachta (ard-tuiscint ar Excel, MS Office agus ábalta córais nua a fhoghlaim go tapa).
- Taithí mhaith ar thaighde a dhéanamh
- Ábalta feidhmiú go muiníneach agus go héifeachtach as do stuaim féin i dtimpeallacht spreagúil.

4pm Dé Luain an 7 Meán Fómhair 2026 an dáta deiridh a nglacfar le hiarratais. Seol do CV, litir iarratais mar aon le **físeán samplach de do chumas láithreoireachta** chuig cv@tg4.ie.

Sa gCeannáras i mBaile na hAbhann, Co. na Gaillimhe atá an post seo. Tá polasaí solúbtha oibre i bhfeidhm i TG4.

Eolas Breise don Iarratasóir

Grád an Phoist: Grád 5

Uaireanta Oibre: 39 uair sa tseachtain. Mar gheall ar riachtanais an phoist agus an earnáil teilifíse, táthar ag súil go mbeifeá solúbtha ó am go ham, lena n-áirítear a bheith sásta oibriú nuair is gá lasmuigh d'uaireanta oifige, ag an deireadh seachtaine agus ar laethanta saoire bainc.

Laethanta Saoire: Chomh maith leis na laethanta saoire bainc reachtúla, beidh tú i dteideal 23 lá de shaoire íoctha in aghaidh na bliana.

Pinsean: Tá baill foirne TG4 i dteideal dul isteach i nGrúpscéim Pinsin TG4 faoi réir théarmaí aon scéime atá ann cheana.

Taisteal: Beidh taisteal in Éirinn agus thar lear i gceist ó am go chéile mar chuid den ról.

Buntáistí eile a bhaineann le bheith ag obair i TG4:

• Deiseanna Oiliúna agus Forbartha	• Táillí Ballraíochta Gairmiúla • Pinsean Ranníocach
--	---

• Saoire Staidéir agus Scrúduithe	• An Clár Cúnaimh d'Fhostaithe • An Scéim um Rothaíocht chun na hOibre
---	--